

曷  
殊  
雅  
頌

東方國民文庫第四編





東方國民文庫

晏殊雅頌




4

福



康德五年四月五日印刷  
康德五年四月十一日發行



編輯人

發行人

印刷人

印刷所

發行所

發賣所

〔定價國幣貳角五分整〕

〔郵費國幣四分整〕

新京特別市大同大街二〇二號

東方國民文庫編輯委員會

新京特別市大同大街二〇二號

陳邦直

新京特別市西七馬路十四號

滿洲圖書株式會社  
駒越五貞

新京特別市西七馬路十四號

滿洲圖書株式會社  
電話代表(一九一)番

新京特別市大同大街二〇二號

滿日文化協會  
電話(二)三七四六番

新京豐樂路二二一番地

股份有限公司 東光書苑  
電話(二)五〇四四番・五二〇一番

## 序

六藝之教。以詩爲首。興觀羣怨。所以陶冶人之性情者深矣。後世體製遞變。猶是三百篇之遺也。或者病其聲律之難工。以爲敝精神於無用。不知無用之用莫大焉。本會以保存東方固有文化爲職志。思所以提倡風雅者。爰採集滿洲人近作詩歌。刊冊行世。名曰曼殊雅頌。俾青年獲讀。知所慕效。庶幾風氣日開。蔚成右文之治。是編其嚆矢已。

康德五年春正月

東曾矩誌於新京寓廬

## 凡 例

一、編輯次序。以作者年齡順序排比。

一、爲便閱覽。直書作者姓名。附錄別號年齡。

一、徵詩首數。原以每人至多十首爲限。凡十首以上者。留待下次發表。  
限於篇幅。不得不爾。

一、詩詞以外著作。留待徵文時發表。不入此冊。

目次

鄭	孝	胥	.....	一
	五古三首	七古一首	七律六首	
許	汝	棻	.....	五
	五絕一首	七絕十一首	七律四首	
羅	振	玉	.....	九
	七絕四首	七律五首		
寶	熙	.....	.....	二
	七絕十一首	五律二首	七律二首	
吳	燕	紹	.....	一七
	七律四首			

袁 金 鐘.....一九

五古一首 七古七首 七絕一首 五律一首 七律一首

何 啓 椿.....二三

七絕八首 七律二首

三 多.....二六

五古一首 七絕八首 七律一首

商 衍 瀛.....二九

七律一首

景 禔.....三〇

七古一首 七律五首

陳 紫 瀾.....三三

五古一首 七古二首 七絕三首 七律一首 詞二首



王 季 烈 ..... 七七

五古三首 七律二首

王 嵩 儒 ..... 四一

五古一首 歌一首

志 琮 ..... 四三

五古一首 五律一首 七律二首

沈 瑞 麟 ..... 四五

七絕五首 七律四首

李 槃 ..... 四八

七古一首 七絕五首 七律四首

傅 嶽 棻 ..... 五三

七古二首 七絕二首 七律六首

胡 先 春 . . . . . 五

七絕二首 七律四首

胡 嗣 瑗 . . . . . 五

五古三首 五律三首 七律二首

陳 會 壽 . . . . . 六

七古三首 七絕一首 五律四首 七律二首

徐 思 允 . . . . . 七

七律九首

王 光 烈 . . . . . 七

五古一首 七絕五首 五律四首

李 維 楨 . . . . . 七

五古二首 七律八首

王

揚

.....

六

七古一首 五絕一首 七絕三首 五律一首 七律三首

熙

洽

.....

八

五古一首 七絕四首 七律一首

魏

宗 蓮

.....

八

五絕一首 七絕五首 五律一首 七律三首

孟

榘

.....

八

七律五首

劉

恩 格

.....

九

七絕四首 七律六首

趙

汝 楫

.....

九

五古一首 七絕五首 五律一首

陸 尚 功 ..... 九七

五古二首 七絕一首 五律四首 五言排律一首 七律二首

黃 式 叙 ..... 一〇一

五古二首 七古一首 七律七首

于 蓮 客 ..... 一〇五

七絕五首 五律一首 七律二首

陳 楚 雄 ..... 一〇八

七絕八首

劉 德 成 ..... 一一〇

七律二首

匡 昨 非 ..... 一一二

七絕四首

于 耀 洲 ..... 二

七律三首

目 次 終

# 曼殊雅頌

鄭 孝 胥 蘇堪 年七十九歲

● 買 宅 四 月 九 日

三年況瘁人 得此一區宅 何如舍桑下 三宿情難釋 自比柳下惠 援止  
非有擇 北窗容膝地 數坐親書冊 休日須作字 支板劣五尺 意中苦未  
展 紙素亦頗積 稍欣廊下步 羣鴿久就食 無機自無怖 飛集繞我側  
初夏柳始芽 默計好將息 婆婆廿株樹 暫輟磨人墨 舊京數寄書 花事  
如過客 南歸興不淺 來日誰能測

桂 門

杜門既無營 魂夢殊安貼 此身真我有 不復念事業 平生南方強 暴虎  
何所憚 脫鞵忽颺去 袖手聊自愜 或疑老猶龍 意乃周之蝶 閒廊長幾  
許 徐步閱塵劫 惟餘還京興 觀闕映眉睫

治 水

七六得乞休 平生事已畢 人間猶可樂 付與閒歲月 遼瀋萬餘里 國勢  
頗鬱勃 功成何必我 長策宜早決 預期二十年 治水未可忽 北境湖波  
平 南疆河流達 次之比湘贛 上之比蘇浙 他時水鄉人 樂土好生活  
豈知今朔漠 一變爲於越 所嗟悠悠者 或作而或輟 肉食不足謀 繼起  
孰人傑 自餘小得失 姑置勿強聒 天心果助我 吾志行當徹

○ 星 浦

何年奔星墜天闕 長扼驚濤作飛雪 我來踏星欲浮海 星不能飛海難越

家山只隔海一涯 廿年國破空思家 國人望我如望歲 臨海悵惘遷長嗟  
樓中候潮日再至 潮聲動天破吾寐 桑田滄海眼中人 袖手沈吟待天意

吉 林

樓頭山色漾江光 魚麥豐饒見此鄉 地秀可知興學易 亂平應覺卜居良  
欲憑禮樂移偷薄 莫遣潢池苦跳梁 他日絃歌聞百里 老夫遊處定難忘

○ 中秋寄稚辛

天際昂頭孰可留 逍遙篇外更遨遊 燕遼來往纔經宿 坡穎追隨又一秋  
人物西山須野老 畫圖喬木待高樓 長廊徐步閒吟地 定有乾坤眼底收

閉 戶

退休進取事何窮 吾道當如日再中 閉戶著書時未晚 造車合轍意難同  
雲陰晝短長催暮 寒色林疏更反風 積葉滿階誰共飲 空將情況話遼東



九日文教部登高

雪後重陽夕照明

初四日雪

高臺縱目俯神京 平原已覺山川伏

投老翻教歲月

輕 燕市再遊非浪語

異鄉久客最關情

西南豪傑休相厄

會遣遺民見後

清

○ 叟庵八十六歲生日 與德國統領興登堡同歲

英豪當代興登堡

名節千秋聽水樓

並世天教繫王室

一時人望重神州

趨朝心尙凌風雪

絕席班應隔輩流

長白中興山萬疊

試憑紫氣候青牛

○ 九 日

天外飛翔莫計程

登高誰憶舊詩名

半生重九人空許

七十殘年世共輕

晚倚無閩看禹域

端迴絕漠作神京

探囊餘智應將盡

却笑南歸計未成

許汝葵  
魯山 年七十六歲

題六橋都護畫牡丹

霧裏看花客 年年憶洛陽  
春風在君手 染出御衣黃

初至東京贈鳩山文相

其一

玉帛初通建武年 風純俗美古山川  
化同更憶三唐世 文物聲明共一天

其二

笑吸流霞醉欲顛 孔甘菽粟土苴捐  
百年元氣絲能續 願蕪心香禮聖賢

其三

文德覃敷本自東 自西晚競一時雄  
狂飈勁草知誰屬 回偃端憑君子風

其 四

羨君仍世繼簪纓 家學能承更有名 大廈只今支一木 披雲喜得賦同行

游日光山

其 一

論功人已畫雲臺 老我奔波曷濟哉 今日偷閒觀物化 萬千都到眼中來

其 二

金銀混漾湧仙臺 方丈蓬萊信有哉 漢武秦皇不能到 我今漫駕六鼈來

其 三

當年華路此瑤臺 經始成功亦亟哉 流水陰陽都有勢 太初氣象倘還來

其 四

閱歲咸登春日臺 物華供獻樂悠哉 名山喬木共今古 動地風塵識未來

其 五

五都金碧好樓臺 秦漢而今安在哉 白馬青袍時出沒 昆明劫土有誰來

其 六

撫今追昔怕登臺 日落風寒亦倦哉 回首泰山高萬仞 青雲俯視待方來

○ 蟋 帖

千年未歇蟋蟀聲 慣送行人十里程 息轍遠山仍在魯 祇緣入世太多情

贈鎌田帝國教育會長

嘉問欣承自遠方 吾衰未敢已于行 鰲山歷盡波濤湧 麟筆昭茲日月光  
豈有聖言終覆瓿 可無主者責亡羊 明倫以外無他學 莫謂言狂願擇狂

贈內藤湖南博士

說士如飴羅雪堂 輝輝大雅照扶桑 傳將中土千秋業 振起東方百氏強

秦漢文章供吐納 夏商彝鼎費搜藏 從周郁郁精誠接 琴夢應能叩渾茫

有田外相席上索詩口占

天遣雲山送我來 樂賢堂上共銜杯 當筵朋好青眸照 脫帽蕭疏白髮哀  
歸馬應逢千里雪 征鴻倘寄一枝梅 今宵亟欲從君醉 語短心長鉢莫催

九日不出門

未到霜天強自寬 霜飛何處覓清歡 孟梳髮冷愁吹帽 楚製衣單嬾跨鞍  
側耳偏聞鴻雁唳 關心祇守菊花寒 近人猶有西窗月 珍重將心與汝安

羅 振 玉 松翁 年七十二歲

還山口占四絕句

其一

穉子歡迎僕候門 老妻爲我理琴尊  
從今出處雖殊致 廊廟山林總 聖恩

○ 其二

繞膝孫曾雜笑嚬 挽鬚牽袖競提携  
老夫未忍加嗔喝 跼篋公然覓棗梨

○ 其三

小築書樓已六年 閉門從此守青氈  
傳家素業今三世 此事差堪慰目前

其 四

天語煌煌勗養生 不須餐菊餌黃精  
儒家自有修持法 省過齋心答 聖明

奉祝沈庵參議七十 賜壽

開國勳勞紀太常 孫枝繩武迪前光 耆年翊贊中興業 早歲飛騰選佛場

黃髮丹心酬覆載 寒松勁竹閱冰霜 錫公純嘏 天恩厚 敢向初筵進一觴

七十 賜壽恭紀 聖恩二律

昔拜 殊榮勉歲寒 十年 御墨未曾乾 往歲乙丑六十四字扁額 親書歲寒松柏四字扁額 聖上 深慙

衰朽逢 明聖 重荷 恩施錫綺紈 那有忠謨陳 黼座 翻承 天語獎儒

酸 聖上賜壽佛如意文緞及樸學忠謨額 鄉學淵源追晦木朝端風誼抗寒松楹帖 追蹤前哲臣何敢 時惕冰淵懍素

餐

春王正月頌 無疆 會向 丹墀進玉觴 今年正月十三日恭值 聖上三十萬壽 廿載 君臣同

骨肉 一家父子荷 恩光 兒子福葆供職 尙書府 敢矜純嘏由 天錫 期與斯民共壽

康 薄海創痍猶未起 矢將盡瘁答吾 皇

乞休得 請恭紀 聖恩兼簡 朝右諸公二律

恩深彌感乞身難 得遂初衣敢自寬 垂老無裨天下計 歸來幸飽腐儒餐

且扶衰病酬 明主 猶夢趨 朝著薦冠 魏闕江湖原不隔 白頭永矢寸心

丹

璀璨 奎章照坐隅 皇上親書 楹帖下 賜 珍羞絡繹飫 天厨 初六日侍 初八日賜宴 皇上午膳

常懷霄壤虛生恥 敢詡 朝廷禮遇殊 奉 特旨 前官禮遇 撫字黔黎安畎畝 掃除烽

燧奠寰區 老臣此願何時遂 坐待羣公展壯圖



寶

熙

沈  
年七十一歲

日本秩父宮殿下來聘用蘇戡總理韻賦贈短章二首

其一

海天如鏡瞻星使  
輦轂無塵迓雨師  
燕饗喜歌棠棣什  
鳳棲合在上林枝

其二

興邦恃有皇王道  
建武慚無十萬師  
不作尋常親善語  
風霜永保歲寒枝

乾隆刻絲三友圖爲本庄大將題

其一

朱克柔  
沈子蕃  
流傳宋製工  
後來規仿有宗風  
清標冷艷眞良友  
絢爛歸於  
平淡中

其二

纂組英華新國光

滿日文化協會以某氏所藏古今刻絲刺繡諸名畫付之攝影名爲纂組英華邦人訖爲殊觀

銷兵四境文治

章 建邦首仗扶持力 絲繡平原一瓣香

丁丑上元襟詩

其一

龍沙萬里看春回 令節傾杯晝掩扉 自笑此身朝市隱 六街安步買花歸

其二

六曹燈火戶工佳 車馬喧闐富貴街 四十年前京國夢 安知垂老在天涯

上元節六部均有官燈而誇多鬪勝以戶部工部爲最多時各部書吏未裁元宵之燈皆經承醮資爲之庚子亂後廢止 富貴街卽戶部街在京師正陽門內

其三

撚粉調酥玉作團 上方珍食拜 恩先 密公佳詠浮圓子 元夜同張燈月筵

宋周必大有元宵浮圓子詩每年上元皆蒙 恩賞湯圓今年尤稱精美

其 四

秧歌唱罷舞龍燈

點綴年華樂太平

世界更

平聲

新風物舊

寬城今已作神京

其 五

上元好月滿東軒

獨坐哦詩夜氣寒

陡憶東坡老居士

傳柑歸遺念同安

入室

辭世十六年矣是夕兒輩設祭不覺悵觸於懷

贈別筑紫參議

其 一

謀國由來重老成

五年坐論忽歸耕

丹山碧海三千里

翹首朝陽一鳳鳴

其 二

不才七十亦懸車

與子連翩賦遂初

但願人民盡安樂

閉門不草萬言書

送別品川部長

列柏棲烏地 如聞惜別聲 上章嚴黷墨 攬轡盼澄清 天許閑居樂 人傳  
直道行 今朝江海去 何以慰平生

安奉路車中作

瀋水東南路 登車一望中 溪流清見底 山勢峭摩空 壯志悲羸馬 秋心  
逐斷鴻 天涯岑寂意 獨對滿林楓

信宿五龍閣

五龍秋色滿山莊 龍背溫泉可坐湯 照水峯巒餘紫翠 耐霜橡櫺尙丹黃  
鳳皇城古傳安市 鴨綠江寒接樂浪 洗滌塵煩宜此地 天刑脫却且徜徉

閩山北鎮廟

屹立幽方第一山 鬱葱佳氣滿人寰 三朝享獻精誠際 八景流傳夢想閒

行殿跡隨秋草隱  
高亭心與白雲閑  
宰官力請留詩刻  
爲掃蒼苔石上斑

吳 燕 紹 季荃 年七十一歲

七十自述

炳燭餘光遲暮驚 文章經濟百無成 一生蝗黍慚謀食 千里蘆葦枉寄情

不復狂歌遊酒國 惟求息影擁書城 故園南望猶烽火 何日銀河洗甲兵

呱呱墜地綠荷包 曾啖紅綾笑解嘲 戊辰八月二十九日 先妣錢太恭人夢先

吾子也驚寤遂生 先祖妣謂 此子必成進士後倖捷南宮 三度觀場叨虎榜 戊子薦卷乙丑堂 備辛卯始獲雋 十年珥

筆侍螭坳 甲午以中書用甲辰 方補缺擢吏部主事 周流藩部隨飄梗 曾隨使調查 蒙古各部落 倬直銓曹久繫

匏 一世升沈原有定 白頭郎署是安巢 余釋褐初 先妣以牙牌籤卜之得二 十四考中書令一路榮華到白頭之語

後果以中書 始以部屬終

忠孝傳家庭訓垂 先祖花南太府君殉洪楊之難 先考以十四齡童子捍 父亦遇害 先伯父望雲祭酒遼 童汪錡之禮命余為後 玉關

先世苦奔馳

先本生考選衣府君會襄戎幕於哈密

防秋正造人民福

先君嘗謂近三百年無邊患內地人民受福無窮余故手

輯國朝蒙藏回部典籍

柔日聊充學校師

大學校長謬采虛聲歷充籌邊清華北京講師

漫說清

聲雛鳳和

小兒豐培粗諳史學薄有著述散見雜誌

尙留仙字蠹魚知

常於故紙堆中得重要文獻

兒孫解憶長

安遠

經訓菑畬繫我思

現有孫兒二孫女四均來書望余早歸

扶杖來觀

上國光

何期

特達許珪璋

康德元年即蒙學校教授辭職又蒙

召見後由國立師範召見三次留教

貴 授經坐覽江山勝

挾

續恩承日月長

溫樹無言趣

紫禁

書鏡有味

伴銀潢

多情舊雨新詩贈

三日先庚介壽康

金硯君故人費地山侍讀皆先期遺詩為壽感佩無既

袁 金 鎧 備歷 年六十九歲

桃山參陵

去歲觀光來 謁陵表誠敬 今歲扈從遊 陪祀極重鄭 明治力維新 勵精稱英聖 實增東亞光 不孤天所命 有國奉師資 政刑明若鏡 何至竟畏人 日患貧弱病 松風謾謾鳴 斜日高原映

乘船至保津川下游抵嵐山

龜岡岡畔覓野船 乘流直下保津川 左縈右拂有盤旋 偶然急轉無蜿蜒 上有峭壁高插天 下有數仞之深淵 怪石巉巖如雕研 旁有鐵軌相鈎連 紅葉青松簇萬千 畫圖幅幅各爭妍 吾讀太白蜀道篇 巫山巫峽壁欲懸 此地得無與比肩 天工著意爲鏤鐫 半日仰觀歌扣舷 嵐山停泊在面前



千鳥一醉但欲眠 康織小雨滴涓涓

於千鳥旅館  
午餐遇雨

### 遊日光山

早聞日光山 今遊日光境 驅車曲折三十盤 俯踏電梯如下井 懸崖瀑布  
天上來 勢挾飛濤匹練影 歸途倏見日光湖 一片晴波匯千頃 貼天車御  
踏空行 不脛而走暇以整 悠然宛轉下山來 紅葉鮮妍作妝靚

### 擬翁秀卿四時讀書樂步元韻

#### 其一 春

瑤函祕籍堆滿廊 暖風拂拂花草香 四時最美是春日 千古所重在文章  
少不努力悔已老 春光易逝敏求好 水流花放意如如 把卷煩惱皆消除

#### 其二 夏

茅亭池上水四圍 碧苔晝靜多芳暉 以瓜鎮心滌熱惱 揮毫落紙敞書幃

清涼居士神仙侶新莫向塵囂覓苦趣  
擁書何計達與窮 勿因人熱景清風

其三 秋

掃殘溽暑秋有聲 蟲音唧唧牀頭鳴  
風颭淅瀝吹雲薄 月華皎潔涵鏡清  
江漢秋陽精神在 欲往從之功須倍  
莫教歲月逝滔滔 立身何讓秋雲高

其四 冬

世間萬象瞬榮枯 堅凝貞固葆真吾  
袁安臥雪不出戶 孔明抱膝吟草廬  
簞瓢自足暖煙火 聲出金石學道者  
孔顏樂處何處尋 胸涵萬古鐵梅心

飲 酒

巨觥一具有酒意 巨觥十具更何如  
前宵飲酒溢其量 忘卻抑戒付子虛  
初時本存戒酒意 恐含醉態乖起居  
歸途謂已無所事 又兼涼颿來許許  
放膽爲之曰無礙 其數十觥且有餘  
人心不可使之有所放 放則慮寡而謀

疏 豈徒飲酒蹈此弊 萬事慎終乃葆初

預觀菊會

雲蒸霞蔚花千種 日麗風和酒一卮 整肅莊嚴真氣象 簪毫應賦柏梁詩

放 洋

頗憶唐錢起 送人滄海東 錢起有送日本僧歸國詩 天風吹水白 曉日浴波紅 樓櫓肆

吟眺 襟懷增闊雄 龍宮疑或有 我欲問蒼穹

門司登風師山

山環水繞到門司 停泊抽閒上岸時 俯瞰帆檣來眼底 猶留花木慰心期

川原如畫開名勝 七字足 駭所見 島嶼相連轉露奇 大好峰巒最高處 磴盤千尺躡

風師

何 啓

椿 壽芬 年六十九歲

屋後隙地闢作小圃雜藝草木八種夏末秋初久  
雨新霽青葱滿目退值之暇涉而成趣各詠一絕

○ 其一 桐 秧

生自高岡上 移來小圃栽 待他成葦葦 倘有鳳凰來

○ 其二 葵

葉大幾如扇 花黃却似金 連朝風雨晦 不改向陽心

○ 其三 玉 蜀 黍

外裹重重碧 中藏粒粒黃 嘉名呼曰穀 信是饋貧糧

○ 其四 豆

雨霽秋意足 花稀莢漸腴 沙瓶須預覓 待煮輒如酥

○其五 鳳仙

祇宜兒女愛 不受蝶蜂侵 孤客栽何取 聊爲急性箴

○其六 園葵

昔聞種此物 不得說莊言 我却未之信 青青亦自繁

○其七 百合

百合何時種 叢生亦可親 莫疑爲薤本 微苦却非辛

○其八 艾

非爲三年蓄 居然亦蔓生 焚煙原有用 堪以避蟲蟲

代人挽內藤虎次郎博士

斯文墜緒歎茫茫 欲挽狂瀾苦望洋 士類羣推爲北斗 儒宗崛起出東方

新邦幸得他山助 藝圃深資舊學商 豈意倦游遼海後 騎龍竟返白雲鄉

林訥齋以入覲禮成和惜仲詩見示卽次其韻並以贈別

燈月交輝近上元

龍樓祝

緞進金尊

來朝豈憚風濤險

召對還承

雨露恩

難得朋簪重話舊

底因旅席不遑溫

中興氣象君親覩

歸去無忘

告九原

雨後望白根山

湖山春雨餘 一碧潤於玉 雲隨天勢高 水就地形曲 中有看花人 悠然

出深谷 我欲與之俱 艤舟換麋鹿

大連送前海軍中將河野 董吾東歸

將軍曾號萬人英 天上飛來海上行 胸富文籌兼武略 乘風破浪笑談兵

周璠

文武籌略  
萬人之英

同廣瀨 壽助 總裁視察牡丹江

牡丹江上水浮家 漁婦烹羹婢煮茶 青笠綠簑歌一曲 月明吹笛入蘆花

書贈關東局總長大野 綠一郎

籍甚才名積水東 拜官文武已兼崇 願君箸爲平淮借 爭似韓公佐晉公

晉公喻南大將也

和寶沈厂參議丁丑上元雜感五首

其一

此身重遇太平朝 雲裏笙歌月底簫 家亦有鏡還有我 莫言風景外邊饒

馬司

溫公夫人元宵欲出觀鏡公曰家有鏡何須外看夫人曰兼看遊人耳公曰我是鬼

其二

銀燕金鳧照殿新 臨光宴又啓長春 帔紅衫綠今多少 不是前朝拾荔人

其三

看烟花滿禁垣 誰家紅袖跨車轅 忽逢我陷驚塵裏 玉手摻摻竟肯援

湖已

亥祀京元女本



○其四

一曲因風萬里來 暗香還帶指尖梅 不知花月江南夜 誰賞音如繞殿雷

無線

電放送某女士彈良宵引  
琴曲琵琶一名繞殿雷

其五

杏花村裏酒堪嘗 傳座疇能到草堂 還是廣寒宮月好 今宵無處不分光

余所

居地本名杏花  
村俗訛新發屯

沈厂七十 賜壽

五十年前一笑逢 拍肩同上妙高峰 家雞野鶩寧誰愛

時叔壬世  
兄索筆蹟

風虎雲龍

各自從 巧築樓臺依 紫禁 榮頌几杖益黃封 潞公再到平章日 重宴瓊

林拜 九重

商 衍 瀛 雲汀 年六十七歲

去歲藻亭以北鴈詩見寄今又有作情詞悱惻感而賦答

九萬天風欲奮飛 秋來又見鴈南歸 新詩歲歲君遙寄 舊約茫茫我願違  
塞漠聲寒聞欲斷 雲羅影渺力知微 天涯何處無繒繳 霜落隨陽且息機

○ 題 叔 章 參 議 藏 朱 拓 未 損 本 博 塔 銘

鳥書茫昧世莫邁 籀篆隸草相襲沿 秦碑漢碣自奇古 下逮六代紛流傳

廬陵古錄富千卷 權輿風尚資唐賢 博塔之銘最晚出 乃與前錄爭後先

綵雲天際絢俄頃 歷時未久嗟剝殘 惟鄭廷賜錢思湘李文恭星沅多撫本

但具體耳非神全 此本精光故奕奕 僧房收拾來新安 何氏滕緘逾拱壁

造次未許輕窺觀 逸園先生邃風雅 心摹指畫嗟緣慳 卅年結想縈夢寐

庸料一日開心顏 滄桑坐視成幾度 昔鬢未改今華顛 得難遇巧意彌重

靜對直欲忘朝餐 訂譌匡謬手自跋 一一霏屑驅豪端 晴牕展翫欣召我

娥眉曼睂驚飛仙 娟娟華月媚銀漢 綿綿烟玉韜藍田 渥丹芳顏發古艷

香簾風入擬騰鸞。 媛叟評書好高論。 強齊衆口同鹹酸。帖有何道州跋 吳姬趙女俱

國色。 瘦燕奚必嗤肥環。 爲公重歌得寶子。 燕玉煖老堪娛年。

寒夜寄懷金趙兩君

愧齋綜博靜庵醞。 東國佳人斬兩驂。 自我據梧形景喪。 多君嚙攬齒牙甘。

尊生合註參同契。 作宦終懷七不堪。 縱解相思了無益。 夢尋研北與花南。

新京謁叔章總裁

六十平頭負大鈞。 衰庸敢復汙朝紳。 重欣子美依嚴武。 終是廉頗樂趙人。

朋舊漸凋憐我在。年來穆允滋周曼青劉仲欣諸君相繼淪逝皆公任吉林財廳時賓佐也 壺觴獨喜與公親。 勞勞人

海紛塵壒。 覽許明時作幸民。

輓穆允滋 元植

昨歲已嗟艱會合。 况茲永訣甚離居。 游仙遽駕緱山鶴。 踐約遲來范式車。

蓄艾更無醫國手 遺籙幸有教兒書 淚河東注成長憶 哭向新阡痛祝予

送吳寄荃吏部還吳江

平生愛誦秋筮集 一代才人仰漢槎 又見遠孫標逸韻 獨携佳句向天涯  
此山此水自終古 何地何時不憶家 扁舸羨君歸去好 五湖澄霽領烟霞  
寄荃以其尊人蓮衣先生將趙忠節公命隻身犯賊

帛書乞援湖州事徵題敬賦長句

睢陽百戰鼓聲殘 蕞爾孤城力已殫 一介突圍欣出死 數行和血痛揮翰  
竟無奇捷收辛讜 爲有強援阻賀蘭 世澤未衰遺墨在 好留忠義後人看

陳 紫 瀾 默存 年六十七歲

○老 婦

老婦愛鉏畦 周庭經作壟 目隨土膏注 意與風色動 播雨籽懷溫 移晴  
芽手捧 分行見疏翠 萃列或族擁 菜甲間豆莖 厥植匪一種 捻珠經罍  
密 小髻盤顛拱 浙黍晨先炊 澣衣午盈甬 問胡垂暮悴 自謂怙兒勇  
有男栖外氏 析爨婦慙息 女也官傭書 薄給歲供奉 女兒端且好 壺範  
亦凝重 待字筓旣逾 從媒鳩復恐 蘄君佳士薦 斯世言可悚 相攸了微  
忱 祝髮入空洞

○雨過兆傭歸作

兆傭老去爲書淫 老不能傭迺朝隱 過都每輒造膝語 如以酸醞和苦董

茲街縱步無半里 吹面掀衣欵揚坊 雷遙動處仰天陰 雲漸低時落雨近

一樓鬼坐萃羣籍

中有伋軻古方策

中席講義

爲詒數帙助兒課 曾澈上聞荷

宸懌 致曲循塗自著明 古今能化唯至誠 根原十六傳心字 危乃能微一

始精 鹿洞象山何異同 眞儒聲臭上天通 扶杖霽歸成獨笑 雲雷回首方

屯蒙

題楊伯年桐鶴畫幅

嗚爾桐兮生何遲 堯年舜月昔有之 瑰文百尺中琴瑟 南薰入詠鳳皇儀

空山無人月吐碧 涼葉委翳雲影積 西風吹醒鶴夢寒 我亦悲秋一吟客

○哈長道中三首

其一

行客咨嗟履有霜 無人解詠北風涼 似聞去軌嗤來軫 博地高天管許忙

其二

鵝畔冬膏特立長 麥苗夏始綠剛剛 乘陵異質險人料 老拙違時迺若疆

其三

涌泉抵罷息勞宮 戌寐寅興我亦功 擾擾王城疇可語 夜起庵間海藏翁

吉長道中代簡寄榮叔章使君

側聞舊主泄新京 訪舊登車觸熱行 敝屣江山非一日 更番雷雨有今晴  
春櫻作貢堯門啓 夏麥蠲租禹甸平 吾輩底須論出處 本朝已策壯時名

○水龍吟 次滄趣老人悼王碧栖元均

家江不斷愁烽 瑄頭逆浪淘千頃 詞人絕筆 鼓聲聲裏 悸魂何定 燕市  
榆關 遡回歌酒 十年無訊 歎混生蜉世 掉頭桑海 類石火電光迸  
見說書牀判命 澹悲毫殘骸泯髓 皈心懺悔 佛光希轉喘微絲 盡蠲垢容



瑕 愍孤矜舊 舍公誰任 爲寤吟隕泗 死生交態 國風醇正

○ 前調 爲榮叔右題楊伯年畫梅

玉龍飛下層霄 畫圖省識東君面 無邊月色 萬香如海 舊時曾見 雀弁  
晨凝 鶴簪朝集 未央前殿 遽鼎湖歸後 陸湛天墜 邁于野玄黃戰  
聞道關河風便 沸春聲煖回鶯燕 柳條邊外 故根移植自天稟 傳上相調  
羹 內人粧額 太平非幻 漫愴吟石帚 暗香疏影 淚痕空泫

王季烈 續廬 年六十六歲

五妹來書勸歸以詩答之

同懷總九人 我長妹最稚 長者六十二 稚者卅五歲 棠棣榮連枝 萱草  
茂於背 天倫有至樂 曷爲遼東滯 殷勤寄遠音 勸歸亦良是 豈知阿兄  
心 別有難言意 我幼秉庭訓 家世傳修名 人臣旣委贄 所矢惟忠貞  
我年當強仕 遭遇 帝祚傾 故鄉交蹠跡 狺狺吠堯聲 正言觸時忌 跬  
步胥榛荆 鴻鵠遠羅網 寧可事遐征 在昔謝疊山 十年遭閩嶠 母壽登  
九秩 寄詩述懷抱 教子欲何爲 冰玉堅清操 癡兒何時歸 江東興禮教  
我亦猶此心 旦夕蒼穹禱 中原澄清時 兒歸奉色笑 吾妹通詩禮 甫嫁  
喪所天 靡它柏舟志 撫孤逾廿年 河間婦聞之 謂愚不謂賢 惡直而醜

正 濁世良宜然 兄妹性情肖 相期秉彝全 獨行我所是 何恤今人言

○題嘉業勘書圖爲劉翰怡

在昔歲甲寅 歸省經滬濱 驅車造君廬 淞濱宅新築 縹緗充層樓 琳瑯  
 儲萬軸 富於百宋屋 精比天一閣 時雖朝市改 野多遺佚伏 話詩延雪  
 橋 校史禮緣督 高齋勝流集 晨夕賞析樂 豈惟文字譚 時復澄清祝  
 惟 帝欽若勳 嘉業榜其屋 宸翰懸中堂 天顏宛在目 每逢三令節  
 北向衣冠肅 旣願 聖壽長 亦禱 明辟復 豈知廿年來 世事如棋局  
 熒惑入箕後 綱紀盡顛覆 蹠跡中國交 魑魅逢人搏 叢爾逐臭區 尤爲  
 萃衆惡 君以善人富 耿耿虎視屬 此邦不可居 避地皋廡託 我從遼東  
 歸 負土西山麓 事畢病累月 存問高軒辱 袖出勘書圖 題箋如筍束  
 屬我賦俚詞 不嫌狗尾續 披圖誦諸題 舊交半鬼錄 後進習旁行 校讐

嗤天祿 鬱鬱久居此 胥溺何能淑 願君懷此圖 從我徙海曲 芒碭瞻雲  
氣 出震東方卜 時雨興義師 指日滅寒泥

病起述懷

寒家歷三世 享壽未五旬 藐躬抑何幸 早過周甲辰 廿載逢板蕩 待盡  
欲飾巾 河清不得見 長壽未足云 六國皆俯首 魯連恥帝秦 臣靡將起  
鬲 少康方邑綸 爲我歎乖舛 夙願已少伸 爲我望遇合 直道難事人  
爰居鐘鼓眩 麋鹿山野馴 繩床遼海畔 差可老此身 所嗟桑梓地 乃走  
豺虎群 道德盡撕滅 綱常胥淪湮 仁望頌常武 執醜平淮潰 天涯銷兵  
氣 海內同行倫 庶幾垂暮年 歸守先人墳

題吳奏事天培謹藏 上自津渡遼命守靜園手詔後

翠輦蒙塵扞圍時 辛勤宿衛羽林兒 雲瞻芒澤求 行在 冰合滹沱趣駕馳

自古殷憂方啓聖 於今安處不忘危 綸言一紙堪交儆 相悅 君臣共念  
茲

日本服部內藤濱田池內羽田關野諸博士溝口水野兩先生

蒞止新京成立滿日文化協會賦此以贈

輔車誼切進嘉謨 不憚驅馳歷遠途 躋跡中原這遣日 干城吾道聖賢徒  
幾經桑海交新締 幸結苔岑德不孤 從此年年常得見 相期逃墨盡歸儒

王 嵩 儒 擇庵 年六十六歲

丁丑夏秋之交家庶母及小孫均患喉耳各症得

三井先生爲之醫癒感賦小詩

百骸具官能 喉舌實司要 呼吸通鼻觀 聰聽系耳竅 有一或不適 神明  
失運掉 腦海譬天樞 居宸星拱照 潤下失水齊 炎上等原燎 醫藥偶誤  
投 膏肓不可療 吾家近多苦 母老孫猶少 隔壁聞呻吟 舉室損歡笑  
得遇三井君 施術競神妙 逾月均獲差 技良非祿微 漢醫泥古方 學業  
鮮深造 物質薄新論 氣化逞高調 切膚聞奏刀 色變賊相告 詎知華陀  
術 刮割著奇效 養癰終貽患 斷腕比去暴 滋蔓種不鋤 導綫火仍爆  
何如忍須臾 勿再危機蹈 惟君念痼瘵 春回隨手到 冒暑意殷勤 瓊瑤

愧匪報 獻詩託揄揚 心交永爲好

慶祝 萬壽歌

萬壽節 萬民歡 昇平歌誦遍閭閻 春色度陽關 佳辰近上元 六街鐙火  
市聲喧 物阜民安實樂園 有喜動 天顏 紫宸朝賀擁千官 嵩呼萬歲三  
溯建國 五年間 自滿提攜得助援 田野闢窮邊 山林啓富源 詔書訪日  
記 廻鑿 兄弟和親誓不刊 人民共結同心願 願兩邦 皇統 萬年一系  
永綏聯

志

琮 地山 年六十四歲

○ 見畫竹有感

鬱鬱琅玕竹 何貴生炎方 截身作釣竿 剪榦爲繩床 君子固不器 小用  
膺毀傷 移爾北牖下 日日澆肥漿 及長屋簷齊 枝葉枯且黃 吾俗不可  
醫 無事苦相望

岩間招飲卽席口占

勝地開文讌 高言盛一時 性情從此合 脣齒最堪思 肇造須鴻彥 東方  
有匠師 河清容易俟 砥柱待人支

壽寶沈靈少保七十

百尺貞松耐雨風 不隨桃李一春紅 盛名甯止劉中壘 厚福還如郭令公



憑仗詩文開後學 流傳毫素重宗工  
退朝且喜皇居近 鐘鼎山林心迹同

壽陳蒼虬同年六十

周甲開樽肉食差 清齋猶是飯胡麻 養生得術符青主 簡學傳宗勝白沙  
夙退不言溫室樹 後來誰愛義熙花 蒼松本具嶙峋骨 人比虬龍氣更加

沈 瑞 麟 碩齋 年六十二歲

### 鑿巫閭山

一覽無餘望海樓 層巒崩劣水滂流 摩挲蚪斗迷桃境 畢竟仙巖勝岳州

望海

樓聖水盆蚪斗碑桃花洞呂公巖皆山中名勝

### 北 鎮 廟

聖主東巡擬禪封 翠華曾上最高峰 三朝宸翰崇禋祀 天護槎枒鎮廟松

### 秀園夜話和沈靈韻

剪燭西牕古誼存 天留我輩繼書門 杖頭錢易提梁卣 快搗金文子抱孫

### 贈朝鮮書家金石山

覽遍名山更大川 興來走墨化雲烟 一時經貴黃庭紙 丹鳳獅霄紫殿前

贈別筑紫熊七

仙侶同舟樂最眞 波瀾愈見老成人 一盃醉疊陽關曲 珍重江湖報國身

丁丑元旦朝回試筆

宮闕迎春雨露濃 星槎曾許寄游蹤 恩波浩蕩流新澤 瑞雪繽紛慶老農  
朝罷御鑪香馥郁 梅開官閣氣雍容 禮隆倘感衣冠異 欣覩雲龍將相從

晚開白芍藥和愈齋韻

雲髻凝香有厚期 廣陵過客復來誰 不隨凡卉相爭競 爲殿殘春好護持  
社酒重溫金繫絡 宮衣半脫雪膚肌 丰神綽約花中相 皓首園丁倘受知

八月十五夜翫月和愔仲韻

萬里空明一鏡寬 仙都臺殿月中看 鐵鳳鸞翥輝長樂 瓊佩琳琅下廣寒  
懷抱頓開舒眺遠 涓埃未報息肩難 家家分得清光勝 無倚無偏不可干

九日愴仲筵上作

籬菊斑斑強半開 螯肥合醉孟嘉杯 詩豪一代名虛負 節近重陽雨自來  
漸覺曉霜侵短鬢 已看秋色上高槐 天寒酒醖無人報 抖擻攀登九日臺

李

槃 古良 年六十二歲

李檢察官寶書辭官同僚祖餞於龍潭山賦此贈別兼以記遊

秋曹官署本清冷	名居仕籍身如隱	更有吾宗老謫仙	才華歛盡氣深穩
遼海同官已十秋	三年前始識荊州	掛冠竟遂江湖志	相約同爲汗漫遊
僚友尋賢皆惜別	離筵遠向雞林設	雞林城外龍潭山	負郭襟江景寄絕
買舟閒泛松花江	水光嵐影搖輕艫	停橈躡履穿雲去	激湍清流瀉石缸
秋林陰翳不知午	落葉丹黃亂飛舞	隔斷紅塵十丈高	泉石峯巒皆太古
漸行漸遠山漸深	天風振樹如龍吟	峭壁千尋林萬簇	行歌互荅驚幽禽
黃葉叢中藏一寺	額題雨暘時若字	寺中香篆祀水神	寺後空潭映凝翠
我本高陽舊酒徒	難禁山鳥勸提壺	舉柸四顧天地窄	身如鸞鳳居藩籟

夕照將沉晚風動  
驪歌譜作笛三弄  
歸來遊興雜離愁  
客與青山同入夢

題 畫 四首

其一

半畝幽居一水圍  
遠鐘聲送落花飛  
青山終與俗人異  
不媚公卿媚布衣

○其二

柳絲花片小橋南  
幾處烟林簇遠嵐  
偶與隣僧證詩果  
怪他燕子故喃喃

其三

秋林無計挽斜暉  
暮靄蒼茫夕照微  
蕭寺鐘聲搖塔影  
四圍山色一僧歸

其四

歸從五岳謝根塵  
籐杖芒屨未了因  
世間法原通出世  
他年我是畫中人

踏青口占

桃柳爭妍映水斜 丹山凹處野人家 無邊金碧鋪成錦 秀麥千疇雜菜花

題自作畫

打疊丹青筆一枝 數峯裝就翠鬟姿 隔溪時有書聲渡 當戶惟容樹影窺  
此外更無乾淨土 個中易得性靈詩 藏山事業山居趣 不是山人總不知

○與友人論詩作此示意

莫問今人與古人 寸心契合卽吾鄰 文徒震俗才終薄 句不求工意始真  
依傍掃空離色相 性靈完足見精神 從來詩境通禪境 除卻形骸別有身

紅 葉

其 一

寂寞寒江萬木空 晴烟一抹罩丹楓 醉容還倩孤松掩 秋色全憑夕照烘  
蜀錦亂堆樵子路 御溝輕逗美人風 莫言絢爛難平淡 櫛櫛偏從冷處紅

其

二

天心着意與春爭  
吳江打漿詩懷冷

艷絕秋容氣轉清  
石徑停車醉眼明

染出夕陽鴉背影  
更向疎林散紅蝶

飄殘霜月馬蹄聲  
凋傷玉露總關情



傅嶽

蔡娟淨 年六十二歲

○題沈厂師陽臺探杏圖

山人種花如種田	滿阮滿谷春爭妍	吾師愛花如愛土	多多益善始快意
舊京春日花事多	陽臺一隅錦成窠	比似鄧尉香雪海	北勝南強不啻過
坡翁歲歲作遨頭	舊雲十里酣清游	鬧紅強笑看不足	寺僧田父皆風流
我生迫促爲人役	策蹇不及花時出	辜負春光被花惱	追摹勝景三歎息
祇今漂泊向龍沙	數盡番風不見花	上林宴賞春無色	清明作客常思家
何時奪取燕支還	補圖著我腰脚孱	一株兩株陋江陵	不羨退之開羈顏

○與蒼虬論和均

東坡雪詩能用韵 妙手最爲臨川識  
 爭奇選雋倡宗風 流傳坡門酬唱集

此事自出心波瀾 學力所關匪聲律 思如蟻珠穿九曲 功如蟬仙字三食  
不有旨蓄曷禦冬 渴時掘井綆焉汲 又如大將收材武 臨陣指揮勢無敵  
難者易之易者難 實者虛之虛者實 須從魚齒尋坦夷 或於馬埒起丘垤  
蠻觸可以戰蝸角 鷓鴣亦堪巢蚊睫 杜陵宗法不二門 要在無字無來歷  
時手趁韻了不審 賢人屠沽坐參列 此中甘苦未易知 美人裁縫細熨貼  
平生自負樊山翁 長鬣來往傳詩筒 如唱陽關必三疊 謬誇一時角兩雄  
此老曠世不再見 郢人欲輟運斤風

題本庄大將所藏乾隆仿宋刻絲

其 一

指端巧奪化工奇 畫本鮮新粲色絲 畫錦堂中渲素壁 將軍偏賞歲寒姿

其 二

追摹宋製渾疑眞 織室流傳艷錦新 爲想乾隆全盛日 女紅亦見太平春

和蘇堪扈游旅順二首

其一

辰居自見衆星歸 海水無波靜不飛 游豫未忘覘國是 聖明無待格心非  
騁懷仙島三山遠 回首中原一髮微 頌美周宣山甫事 憑君神筆補龍衣

其二

艱難神器萬方歸 幾暇巡游駐六飛 觀海益思容百谷 刺天今見掃羣非  
運同虞夏資成旅 事異高光起細微 曾是龍潛驥首地 五雲還拂未明衣

扈從訪日曉發新京驛

跌蕩天門曙色開 宸游迢遞指蓬萊 輕雷乍動千官肅 旭日方升萬乘  
來 夾道香花知帝力 凝寒草木待春回 此行端爲祥和事 卻媿鄒枚侍從

扈駕由東京赴西京

輦路紆徐戒吉行 黃童白首競將迎  
田廬整潔知民力 禮俗委蛇覘國情  
海氣連山雲作畫 花光照水雨還晴  
扈游莫漫觀風物 要識艱難政始成

會飲蒼虬閣卽席贈蘇堪

端平變局古人無 縮手觀棊劫未枯  
雄辯驚筵雷啓蟄 春風入塞后來蘇  
行藏未識蒼茫意 會合翻憐氣誼孤  
斫脰醅醪謀一醉 憑君發興說江湖

偕蒼虬游吉林

暫脫塵羈似解嚴 晴暉一路看煙嵐  
江山小簇成回合 燈火新涼颭兩三  
詩價雞林今異古 盤餐魚膾北思南  
蹉跎莫報君恩重 偶出清游益自慙

胡先春 元初年六十二歲

望赤坂離宮

其一

周王八駿極遐荒 夏后雙龍事遠翔  
惟我聖明懷若谷 爲修信睦到扶桑

其二

翠華曾此爲春延 赤坂從教比洞天  
萬戶千門青瑣靜 望中猶似上林煙

長春初發

老任遼東意未闌 更將萬里去漫漫  
客中親友勞相送 眼底風塵要自安  
微雨溟濛增別恨 好山遠近耐人看  
相携幸有同心侶 暫覺樽前百慮寬

抵日本東京

入境但看田野闢 豈知政教息相通  
考工極盡人間巧 問俗猶存太古風  
不數龔黃治郡績 如聞管晏相齊功  
舊邦新命興皇道 欲訪鄰規佐郅隆

釜山別友人

歷塊過都始識君 榻來勞燕又相分  
交柯亂葉源難覓 朗月清風意自勤  
十載回思如短夢 一樽共對盡斜曛  
及茲去去休嗚咽 老圃秋花有晚芬

秋夜獨坐

琴劍飄零歷劫餘 夢回缺月下庭除  
獨醒祇爲難勝酒 多病還能時讀書  
此日不逢遼海鶴 何時重食武昌魚  
紛紛莫問人間世 寤寐長懷種樹廬

胡 嗣 瑗 隋初年六十一歲

○挽陳散原先生三首

○其一

鴛鴦捲飛蓬 驟挾凶問至 君晚摩燕闕 我弭柳邊轡 一面卒相左 死別  
是何地 因依垂卅年 離亂諗孤詣 愁茲碩果遺 眉考信天畀 兵氣都鄙  
纏 雷碾駭強對 肯蠲幽憂疾 窮巷畢身世 道梗噤還往 西嚮魂膽碎  
斯文一朝喪 邦國傷殄瘁

○其二

青溪君舊居 國變新歸來 時我客州將 銳志隳漸臺 相遇肝鬲傾 忘年  
了不猜 豺牙日磨厲 嗾人森禍媒 戒爲善刀藏 勿貽撞斗哈 淡交出深

語 趣去休裘裏 舉家趨海壖 歲晏風且霾 臨分色淒苦 討賊心敢灰  
旋策彭城軍 聲勢奔萬雷 鄉里說韋虎 抵書氣崔嵬 盟插諸道叛 魂夢  
鈞天回 偷生迭嗟矜 日光瞽難開 向來名父子 的的忠孝魁 橫流恣荒  
怪 喬木繁霜催 全歸靳期願 滿襟濕瓊瑰 後死更安仰 慷慨平生哀

其三

登第不入官 高名動江海 微尙誰與同 澹蕩人世改 文奇探道根 詩壯  
泣真宰 後進資領袖 交折輩行每 因我稔家督 臭言逾蘭茝 篇章時揮  
吐 情至粲冬蓄 離合吳越閒 流人盛文彩 湖山風景非 存撫涕痕浼  
酒邊謀解憂 唾積赫蹠矮 分曹一雌雄 儼唱軍奏凱 愈思誠愈妍 輕別  
累年悔 屬歸葬母妻 臨穴聞嘆唉 後會苦難料 伯兮遽蒙誅 決起排九  
關 列星備寮案 知無封禪書 遺稿至尊采 論定秋日晶 儒雅照千載



順寧復奚憾 英靈故長在 人天哀樂殊 窮塞羈鶻貽

○贈太保朱文誠公益藩挽詩三首

○其一

曠代英靈邈 深交板蕩餘 愚忠長孺最 風度曲江如 稽古榮經席 論思老石渠 鬱爲霜下杰 歲晏肯華予

○其二

帝所猶前夢 神州忽此時 久勞尊舊學 獨立見明姿 元亮廬何愛 誠懸筆自持 長依天尺五 東盼翠華移

其三

集鵬悲新舍 騎麟向大荒 帝書宗道直 人活敬輿方 行肯迷陽誤 生如屈軼祥 遺言摹病榻 握筆輒霑裳

八月十五夜玩月

微雲休滓太清寬 一鏡飛空萬里看  
古塞河山忘戰伐 層樓風露倚高寒  
人同皎潔秋魂醒 天與流連晚遇難  
湛湛靈臺誰可畫 回瞻星斗漸闌干

丁丑元旦朝回試筆

天開閭闔五雲濃 聯步鴛鸞躡舊蹤  
仍仰玉衡齊夏政 會銷金甲慰春農  
窺邊虜遠無烽警 稱瑞人歸盡酒容  
指顧岐陽銘十鼓 小臣珥筆後車從

陳 會 壽 蒼虬 年六十一歲

○李木公以惜抱文稟屬題爲其師馬通伯故物

我昔勘書官學曹 桐城一老同昏朝 淡懷萬事不挂眼 心維口誦惟方姚

精誠所結好所聚 閱市妙蹟逢靈臯 朱書平點柳州集 辨析雅鄭嚴秋毫

惜抱遺文舊所得 酒酣出示珍珠刀 行草閒逸味雋永 題品妙稱安吳包

座閒鳧翁最傾倒 書後博引何滔滔 義州李文石丈 春明燕飲事在眼 家居撞壞羣

兒跳 抱潤先生亦宿草 長物散失寒烟飄 醞醞至味沁肺腑 墜歡隔世難

重遭 斯文一脉有冥契 縱極天椽終難消 沈淵連璧復照眼 如水收覆魂

相招 去年舊京覲袁子 摩挲柳集真久要 君復徵題姚手跡 拓本遠致千

瓊瑤 君以所藏古器拓本見贈凡數百種 桐城後勁兩君屬 彌天風雨聞膠膠 我落窮邊歲月

久 所思不見徒心勞 何時傳觀得合併 光宣舊夢迴寒宵

○伯夔以所藏惜抱爲學使時日記數頁屬題

我昔戲言古人所欲見 當代莫先惜抱翁 行如望溪加蘊藉 文追永叔仍淹通  
標宗論學本末具 顯晦與世關污隆 觥觥河李元禮 萬派吐納皆朝宗  
少年相逢盛意氣 追逐上下如雲龍 袁子才陳伯思朱子颯王夢樓並豪俊  
辛陳異幟歸牢籠 江山跌宕照千古 四時氣備誰能同 嗟予不學空仰止  
蟻蛭何自希高跡 惟君懷賢乃過我 寶貴尺札逾蒼琮 輜軒所指被時雨  
南錢北孔雙鐘鏞 曹溪一滴匯滄海 繼起百輩成流風 湘鄉表章炳日月  
柁湖持譚隘未公 吾子私淑深入室 絕境自關天難窮 吁嗟古人不可見  
安得與子歲晚婉變長相從

○東坡生日酒間蘇堪誦寒食雨及蒼梧

道中寄子由詩聲情激壯爲作此詩

坡老去今幾何世 耿耿清光在天地 年年置酒拜公辰 坐客微嗟今昔異  
 海藏詩老能駐顏 韻勝于公有深契 酒酣高歌移我情 黃州蒼梧儼坐次  
 蝸居雨中過寒食 海棠如雪紛滿砌 君門九重家萬里 孤臣偃臥空餘淚  
 荒江落月迥孤角 一往扁舟落何際 瞻儻由雷肆惡謔 路人猶識東坡弟  
 遺詩千載動心魄 當年身受何滋味 故作達語掩悲涼 豈真解脫忘憂惱  
 天公有意變要荒 遠謫韓蘇同一致 達者或窮窮乃達 此中得失難淺議  
 惟公解事人勝天 晚歲和陶入聖諦 當歌對酒萬端空 領取當前真實意

花 瓶

生來長是供花枝 淨几添泉好護持 幾度湘簾春日影 今番相對夢回時

蘇堪作東坡生日會飲

千秋幾丙子 絕代一東坡 置酒爲公壽 年年逸興多  
老嫌金帶重 客愛紫裘歌 一笑風流在 花枝發醉哦

○挽陳弢庵年丈

○其一

舊學資開濟 深心念始終 彭年供閱世 漢鼎愆餘功  
跋涉忘衰暮 綢繆見至忠 堂堂青史在 希遇古誰同

○其二

朝露傷元祐 殘陽感義熙 白頭天所相 晚節世猶持  
元素迴天願 端明大雅詩 丹書陳在几 望呂益凄其

○其三

世換空耆舊 公希大父行 虛衷逾敬禮 引坐愧文昌  
京國交期遠 宸闈

直日長 從 龍餘幾在 回首涕浪浪

同勉甫子玉覺先吉林松花江邊晚眺

云波湧玉鮐流 寫影雲山兩岸秋 高柳城坊疑白下 晚江鼓角似黃州  
氣佳勢勝無南北 地轉天迴感去留 風景不孤窮塞主 經綸誰任富民侯

蘇堪約游淨月潭

一日名傳鄭國渠 直移廣漠作江湖 山圍翠幙開天鏡 身共閑鷗入畫圖  
小艇乍堪衝峻瀨 片雲何意忽跳珠 征衫檢點西湖雨 惆悵煙波舊釣徒

徐 思 允 碧 雲 年 五 十 九 歲

諸葛武侯

千秋一首杜陵詩 極盡推崇贊歎詞 天下英雄相枉屈 一時感激遂驅馳  
艱難祇就三分業 氣象還爲百世師 當日若終布衣願 襄陽耆舊幾人知

王 荆 公

未遇漢文踈賈誼 亦殊武帝悔輪臺 君臣一意孤行進 紹述重追覆轍來  
吾黨激成猶有憾 後生用短不知裁 津橋地氣關何事 只負當年學士才

讀 楚 詞

良禽擇木正紛紛 九死情懷倦故君 下述上稱誰與語 詞前詩後在斯文  
渚宮事蹟書難信 櫂杙公卿表未聞 不若高唐留片語 後人重疊夢朝雲



和陳仁先夜來香二首

其一

九衢塵裡夜濛濛 誰送清香燕寢中 神女衣沾三峽雨 內人車過百花風  
鄂君被冷應憐獨 柳惲歌成訝許同 堪笑隋家庭燎費 一山甲煎一宵空

其二

此亦一蠶香水海 浮空縹渺作香雲 夜深不睡誰燒燭 坐久還留莫換熏  
甚似清風來故舊 得無行露太慙慙 殘宵如見穿花蝶 栩栩蘊蘊必有分

○鄭蘇老極稱江叟叔之詩謹題一首

數卷麻沙贖欲殘 幾回以校復傳觀 危時久客傷心易 苦語真情悅目難  
人到中興俄老去 詩於近代略開端 韓蘇門下如親炙 藉湜張陳一例看

鄭炎佐約重遊淨月湖未赴

水繞山圍作畫屏  
翛然濠濮在郊坰  
卽今齊井無相梓  
異日唐宮更勒銘  
御道追隨叨一覽  
前日隨扈至此  
羣賢暢叙闕重經  
最憐薇蕨聲名甚  
曾奉封題饋使星

祝仁先六十壽二首

其一

朝廷極重詢茲意  
田舍渾忘貽厥謀  
天上不寒長皎潔  
人間無待卽優游  
曹溪一勺誰真諦  
毛穎三人亦勝流  
爲慰獨居深念者  
士龍許住屋東頭

其二

壯歲英華海內知  
至今留得不磷縑  
平生事跡多爲史  
與我流連最是詩  
忽漫重逢俄已老  
本來無住更何之  
餘年觀化猶千變  
自有堂堂皓首期

王 光 烈 希哲 年五十八歲

題漢單于和親磚拓本

春秋稱三世 郵治極大同 圓顛等方趾 差別乖包容 秦始築長城 隔絕  
殊不通 漢武逞雄才 亦未收邊功 自有和親局 玉帛化兵戎 官家事土  
木 萬人築室宮 未央與長樂 至今聲聞隆 陶人善搏埴 瓦甃侔鬼工  
延年而益壽 花樣翻不窮 惟專式尙少 如方亦罕逢 是專十二字 篆勢  
妙莫名 碑額及三闕 精美差平衡 單于和親字 文義著且明 可知漢天  
下 非此安未能 漢族向自大 矜居地之中 夷狄與蠻貊 褊淺實自封  
幸地不愛寶 埋藏留眞形 始知化種族 方能弭戰爭 後土非玩古 藉此  
得古情 細審厥制作 呵護勞心靈 一陰共一陽 凹凸相合併 在昔有魚

符 字畫調虛盈 亦有古半鉤 雙器出一型 風雨不剝蝕 筆意猶鋒稜  
鍊雲矜創獲 王徐搜殘箴 斯拓來何許 藏印忘猩紅 泉奩具篆癖 好古  
非盲從 翠墨祕篋衍 出示明雙瞳 方今稱盛世 五族共存榮 寧祇和親  
事 輯睦如弟兄 吾輩喜鑒賞 悠優際承平 安樂兮未央 共遺有涯生

六橋夫子以紅豆相貺賦此呈教

其一

開緘驚覩鴛鴦穎 分自虞山第幾枝 贏得詩人轉相贈 也應從此解相思

其二

古鏡名聞昔貯藏 銘心文字勿相忘 從今伴得相思子 一度開奩一斷腸

題月潭道人畫冊

其一

草書精到唐懷素 蘭竹工於鄭克柔 丹轉仙成渾不管 祇論詩畫亦千秋

其二

參禪以外勤毫素 在昔緇流數福因 謂蓮圃和尙 更有黃冠能比美 遼東方外兩  
傳人

參拜明治神宮

維新盛業仰皇家 冒雨神宮踏細沙 士女傾城齊奉拜 赤心紅過杜鵑花

挽李東園

卅年一老友 太息話前塵 金石煙霞癖 東西南北人 東園名西一號南北散人 詩腸吐

芒角 醉膽發輪囷 抱得孤忠去 昭陵日暮雲

湯島聖堂祀孔子

儒道極明昌 趨踰集聖堂 西方猶戰伐 東國自冠裳 悅觀春秋世 如遊

鄒魯鄉 幸隨賢哲後 俎豆薦馨香

岩村韻松招飲

破浪渡重洋 來登君子堂 妻孥盡儒雅 杯酒極相羊  
讀書詩尋句 揮毫墨溢香 一家和氣聚 忘却在他邦

東京訪老友日置龜雄

十年成契濶 相見倍欣然 患難成知己 祥和見性天  
兒童驚長大 伉儷極股拳 杯酒勞相餉 圍爐話昔年

李維楨 子棟 年五十八歲

○ 崇興寺雙塔 用峇嘉州登慈恩寺浮圖韻

卓絕此雙塔 恢奇壯琳宮 嶢嶢十三級 偉構撐青空 何人運神斤 鑿削  
疑天工 巍峩壓城角 泚瀼摩璇穹 危檐劃朝霧 寶鐸唵長風 傳聞古唐  
皇 天戈奮遼東 建塔慰忠魂 斲出窗玲瓏 何當躡其頂 放眼八荒中  
遊神出天表 翔步超鴻濛 洗心效三皈 圓頓追南宗 大道仰彌高 感媿  
嗟何窮

萬紫山

崇岡跨城隅 拔地如奮躍 鼓勇上陂陀 石路新剗削 初登憾翳蔽 憑高  
乃驚懼 旁覩雙塔尖 駢立依山脚 拊背繚雉堞 絕頂橫蘭若 巖松攢綠

釵 庭芍舒紅萼 醫閭若窺牆 微露螺鬢掠 四山競朝謁 奔凌趨郵郭  
屋瓦簇鱗鱗 庖煙禁漠漠 蜿蜒軍陣舒 平遠畫圖拓 伊余喜登臨 逢山  
輒縛屨 城市有神區 醫俗誠仙藥 習勞體自輕 息慮心能澹 林壑倘可  
棲 願與山靈約

奉陪竇沈二參議登醫巫閭山

其一

高軒問俗蒞山城 訪古恭陪鎮廟行 黑帛黃琮儀久闕 通考祭北  
鎮用黑帛 紅羊赤馬  
劫頻更 籌防漫溯明三衛 議禮甘隨魯二生 何日崇禋再修舉 垂靈錫祉  
慰輿情

其二

斗南宿望快瞻韓 千仞岡頭拓壯觀 五嶽遠尋倅太白 六山親躡甲東丹 醫



閩山擁抱六  
重又名六山

揮毫力勁縈蛇蚓

舒嘯聲高訝鳳鸞

祇惜歸旌太匆促

靈區

莫得罄盤桓

○北鎮懷古

其一

一

重圍百雉壯坤輿

前代曾爲帝者居

地缺東南吞溟渤

天圍西北障醫閩

團山堡接三屯戍

望海堂儲萬卷書

嶽瀆孕靈民抱樸

不須樂國羨華胥

其二

二

耶律完顏付逝波

山城長此碧嵯峨

峯環牛角千年寺

地走羊腸一綫河

亂世狐鳴奇俠出

真人龍戰健兒多

由來怙德休憑險

前哲名言未可磨

其三

三

州治憑誰辨咸宜

遼河西望總迷離

平蕪綠沒甄妃塚

劫火紅燔聖母祠

鉅子洞荒村隱約  
兔兒塢遠路逶迤  
劇憐木葉山難考  
枉向南樓抱宿疑

其 四

粉鄉耆舊溯人文  
青史磷彬發古芬  
給諫批鱗陳四事  
總戎涅背奮三軍  
安邊曾銳才高世  
破虜王琮勇冠羣  
最是沙場留浩氣  
淒涼馬革弔閻殷

其 五

鎮北關通白土門  
龍駒神驥想雲屯  
場開馬市勤懷遠  
詔遣麟潢競建藩  
鷹犬獵場遼帝后  
麕麕荒塚宋兒孫  
率先鍾秀成陳跡  
試檢遺編細討論

其 六

荒亭斷堠沒蒿萊  
誰向昆明話劫灰  
古驛屢移牽馬嶺  
懸崖高矗障鷹臺  
雄藩擁衆稱王號  
獷賊逢時展霸才  
留得勝朝鏖戰蹟  
松山詠罷有餘哀

王

楊 敬生 年五十七歲

吉林冷社荒涼久矣辛未冬月政局變轉讌集

北山澂江閣重開冷社賦詩誌感拈韻得寒字

風雪淒清到歲寒 重開冷社拾墜歡 嗜好遑論鹹與酸 相與攢眉弄柔翰

清醒主人主文壇 文采風流老納蘭 聽星山骨勤雕刻 醉書章草蛟龍蟠

聽雪隱語智井智 有石五百案頭攢 坭園苦吟鏤肺肝 雙井后山一手搏

潛園掌故肚皮寬 中宵不放酒杯乾 擇堪名理析毫端 抱冰老友目不瞞

味水抱琴一再彈 好畫飛泉與激湍 拙厂常言蜀道難 爲畫秋色過夜闌

麻廬作字如驚鸞 日費隄隳墨幾丸 餘廬運思書正攤 每思涓陽淚洩瀾

習靜好佛禮梅壇 疊恥地理成大觀 寄吾今之梅都官 北溪讀史發長歎

濂公瓠公心力殫 碑版刻畫柳與韓 製聯一字有未安 繞室傍徨廢餐  
佛桑館主才槃槃 妙句鏘金和八鑿 驚才絕艷動江干 深燈紅袖月團欒

京都淺山市長招宴都旅館贈謁駐蹕御居宴

罷遊圓山公園小憩一休菴素食風味絕佳

京都名勝有奇致 中心欲往縈夢寐 浮海來遊喜欲狂 主人飲我禮數備  
都旅館在山之陽 昨歲六龍此駐蹕 展拜御居升六階 天家富貴瞻清秘  
屋頂有園恣神工 老樹參天山幽邃 百尺流泉石隙鳴 始驚山館一而二  
不知山上有館館上有此山 何年造化弄遊戲 憑闌豁目俯廣場 云是三萬  
學生嵩呼地 滿山樓閣上燈初 客散驅車入蒼翠 萬花堆裏一休菴 古德  
百年留勝事 句留斯菴不忍還 精進菜羹與麥餌 滿身清露禮空王 快睹  
魯園希哲字 此邦素食所見稀 一休老人有深意 水都招提自昔多 冀養

禪和清淨智 知恩院 清水寺 金閣銀閣競瑰異 國寶三十三間堂 人間  
 淨土何軒輊 黃塵數斗撲征衫 到此躊躇誠滿志 何當稅駕琵琶湖 濟勝  
 有心先蠟屐

夏夜宿嚴島客舍不寐

月明海天寬 有山如浮玉 山綠動樓窗 遠人不敢觸

題千華覓句圖爲松客作

其一

踏遍千山紫翠堆 詩人搖筆撼風雷 不圖滄海橫流日 到底能專一壑來

其二

古意沉沉孰可傳 楊家妹子畫能賢 素存不作堯峰去 寂寞山靈二百年

格民宮相蒞吉有作依韻酬之

江頭幾度逢寒食 今日重尋寂寞春  
貽蕩東風誰識得 將蘇草木太平人

潔珊六兄尙書進講中庸賦詩奉訊

樂國觀成日 橫經有講筵 智仁覘聖治 啓沃仗高賢  
喜起明良頌 中和位育詮 天人交感處 王道自年年

奉和格民宮相長夏夢醒述懷

同是羲皇以上人 夢回何處認前身  
粗成小圃期花發 慵捲疏簾惹燕嗔  
浩浩年華悲逝水 沈沈熱惱付微塵  
隨緣養得真心在 一片清空了夙因

送桐雨遊歐美

碧榆官邸集晴鴉 仙吏詩龕靜不譁  
勛業崇闕通北闕 文章淵雅擅東華  
測交疑自三生石 奉使新浮萬里槎  
明歲秋風歸籜節 更將甘雨施家家

樹葭詩翁七旬壽辰仲氏石卿畫松

爲祝翁索題句敬成一律用誌頌禱

灑霍喬松老更蒼 參天拔地鍊冰霜 全憑畫手烟雲活 寫出詩人日月長  
一幅溪箋傳雁序 三朝宮錦燦龍光 歲寒莫訝相期厚 石鼓研齋久瓣香

熙

洽

格昆 年五十五歲

江干閒步晚赴第一樓酒約

薄暮江干行 紛紛遠鬻市 春風拂我衣 渺渺春江水 隔岸樹迎人 群山  
如屏几 偕友上江樓 呼酒烹雙鯉 座無華髮人 尤少紅裙妓 隣軒說天  
命 我輩談宮徵 沉沉日輪低 莽莽蒼煙起 對此增感慨 詩成不厭俚  
持以贈同人 奇性聊復爾

吉林四詠

○賊 賊

茫茫日下此江河 欲濟無舟喚奈何 利涉莫嫌賊賊小 人生到處有風波

○爬 犁



平鋪大野雪無垠 乘載何須用斲輪 鞭影一揮如電疾 冰花碾碎不飛塵

○冰 店

江干冰上起浮家 百輛盈門盡犢車 到此無非趨利客 熱中人做冷生涯

○糠 燈

強於鑿壁借餘光 製此燃藜費考量 拚作油膏來照夜 療飢無復壓糟糠

春日登樓遠眺

樓開三面立東風 勸晚春城入畫中 山色遙連江色白 燈光相映日光紅  
傷心飄泊詩彌健 仗策飛騰語未工 歷歷興亡供指數 無非猿鶴與沙蟲

魏宗蓮 慶溪年五十四歲

濱江客舍早春有感

澹澹濱江水 悠悠遠客心 春城多啼鳥 聲入七絃琴

丁丑清明孫公鐘午以感懷詩見示依韵奉和

其一

少小英姿命世期 而今傲骨已支離 一邱一壑都堪老 且賞陽春烟景時

其二

半欲天陰半晴期 層樓遠樹各離離 清明好景無今古 踏遍青郊是此時

其三

一生佳興幾多秋 長嘯南山不忮求 公自飛騰吾老大 網羅應愧拔其尤

日本七高教授山田濟齋先生古希自壽

以詩見示賦兩截奉祝

卅載前余留學七  
高會受業於先生

其一

入座春風記舊游

望洋人隔鳳麟洲

玉璫珍重傳佳什

木李瓊瑤愧報酬

其二

數載東游侍絳帷

飛騰未遂負相期

清心自是長生券

胎息陽明得本師

先生專陽明  
良知之學

丁丑夏曆四月初八日得東京電報次孫生病起口號

浮生真可惜

又是暮春終

草草風塵內

沉沉病魅中

旅大觀櫻回即發痔  
疾甚劇割治病臥

壯游志未果

富田總裁約予同  
赴東京以病不果

宿累幸全空

卅年痔疾一旦  
全除何快如之

何意孫生日

佛緣與子同

四月八日浴佛節次孫男  
生於江戶與其父同日生

味 且

一枕還鄉夢乍回 月斜猶見影徘徊 寒林鴉噪排空起 遠寺鐘聲報曉來  
混頓初將天地判 陰陽纔劃晦明開 人心此際名心淡 便覺清清絕點埃  
尹大令倬章罷汪清運局歸田以詩志別依原韵奉和七律二首

其 一

一曲羔羊詠素絲 潔然引去見操持 松筠合入中行傳 薇蕨能將薄俗醫  
自是堅金成逸響 漫言寶玉未逢時 文章聲價人人重 到處題詩有衆知

其 二

羞從山水說知音 辜負牙琴寄託深 風雨未能防調變 波濤難與競升沉  
空勞膠尾三分力 枉絕冰絃一片心 坐對焦桐生愧赧 月明應與照微襟

孟

桀 則先 年五十四歲

奉和宮保沈蠶師丙子元旦書懷

其一

幼讀冬窗硯水融

家貧衣食那能豐

五齡失怙難言孝

九世

先十世祖忠毅公從龍入關至

樂十承恩敢効忠

東渡扶桑

留學日本

花燦爛

北登杭愛

烏里雅蘇台祕書長

樹青葱

衰年

飄泊榆關外 强學推敲謾自雄

其二

作客遼東四載遙

衰庸有負聖明朝

五噫太息叩空陟

六出紛飛雪又飄

槁壤自甘同蝼螻

巢林無碍比鷓鴣

管他異國妻兒事

且戴堯天樂景韶

大同公園秋興

其一 詠朝景

秋瓜晚熟正甜時 裹飯出游任所之 橋影聚魚餘暑意 花枝啁雀鬧朝曦  
閒亭欹坐勞人話 曲徑高歌稚子嬉 又是長春好風景 感懷聊詠少陵詩

其二 詠晝景

偷閒拄杖出官衙 卓午游園望眼賒 畫舫幾多紛盪漾 野橋三五任橫斜  
平林淺草分茶食 人影衣香認酒家 且趁亭陰聊憩坐 歸途緩步代乘車

其三 詠夕景

惆悵斜陽冷意含 白楊颯颯柳毵毵 平蕪遠近沙鋪徑 曲岸縈紆水漾潭  
花影蝶翻成妙舞 草根蟲語縱清談 新秋傍晚園林好 散值閒游興倍酣

新京柳枝詞

其 一

新年過後舊年過 北大街前百戲羅 猶是太平春景象 沿門鉦鼓鬧秧歌

其 二

柳條溝畔柳絲長 五月飛飛絮滿塘 清水一泓樓四面 誰家簾幕倚紅妝

其 三

電送笙簧滿玉京 新來菊部最知名 已無法曲傳南內 猶愛歌聲似北平

其 四

垂垂錦綬佩肩斜 剛把嚴妝換內家 昨夜防空傳演習 繡旗一隊貌如花

九月十七日寓廬小飲拈以高山

安可仰徒此挹清芬分韻得高字

其一

攀虬躡豹興空豪

腰脚中年漸怯勞

已分尊疊辭共醉

余因病戒酒

還憑詩句補

登高

諸君囑補作重九分韻

期君秋老來荒館

放我官閒愛冷曹

菊淡却愁霜雪重

東籬負手髮頻搔

其二

丹鉛簿領共辛勞

恰好秋晴晚退曹

儘有詩人常宦拙

不緣勳闕自才高

慣拈險韻追雞跖

昨非分韻得可字據云拈得仄韻已三次矣

且對芳醪把蟹螯

笑我疲特隨絕驥

竹林只合謝咸齋

其三



結習知難忘楮毫 相逢意氣激風騷 衣冠東晉清談誤 鍾律初唐尙論高

歸臥一廬吾媿孟 諸君用太白贈孟襄陽高山安可  
仰徒此挹清芬句分韻爲詩見貽 才分八斗客同曹 太常齋

况君堪共 還剪寒菘下濁膠

讀漁洋集

青山華袞業俱成 並代賢豪幾抗行 拂水風流傷晚節 梅村哀感變新聲

直須才士兼修福 豈礙清時略近名 重過宣南觴詠地 不堪文采憶承平

讀隨園集

讀書膽已空今古 遊戲身還現宰官 傳世豈憑王沈貴 憐才終覺尹金難

一時壇坫閒中主 六代雲山臥裏看 惆悵清涼西畔路 荒榛殘碣晚烟寒

落葉 步蒼虬韻

淡紅濃碧最關情 回首高柯已隔生 擁徑待歸陶靖節 半牀閒伴庾蘭成

虛飄身世曩臣感

東坡有虛飄詩

搖落關山遠戍驚

到地未甘同浪蕊

蕭蕭還

作晚秋聲

趙汝樞 任夔 年四十八歲

初冬微雪夜讀書 借寓三江省商會

微風度遙夜 窗紙沙沙響 幽人睡不成 擁書設遐想 此中之賢愚 人與  
跡俱往 寂寞身後名 吾輩所俯仰 其柄孰操持 能無曲無罔 筮仕三十  
年 頗亦勤教養 一事終始間 有時墜愴怳 內疚人共鑒 心安衆口謗  
及身尙爾爲 對面翻直枉 國聞治要刪 黑白視指掌 見聞局三世 耳目  
難再廣 聖云百世知 孰埒青雲上 蘚苔皆偶然 化機非勉強 竹帛鼎鐘  
曠 爲物來亦倘 信書者庸愚 燒書者鹵莽 妙契合微權 執中或用兩  
口說傳公羊 存疑從子長 稱詩未定論 寒江起漁榜

康德四年七月辭官照准將行留別佳木斯商會寓廬

其一

國恩容易放歸田 廿載薪勞且息肩 來是新秋歸盛暑 相依十度見蟾圓

其二

風月琴樽意自寬 修緣暫寄喜相安 未成德化勤王業 高詠從容久負官

其三

發政施仁世太平 時和民物兆豐盈 江湖日月增瀟灑 頭白負暄頌 聖明

其四

煙簑雨笠一肩挑 官退行如僧打包 有媿家聲琴鶴外 圖書網載似牛腰

其五

曠代清名謝眺樓 宣城往跡足千秋 青山三面佳州市 慚愧長江日夜流

退官後定居吉林

官退身彌健 江清晚倍幽 得天容白髮 夾道起朱樓 乘國依良弼 看山  
是老謀 此邦富林壑 飽食任遨遊

陸 尚 功 詩鳴 年四十三歲

○盆中馬齒盛開燦如雲錦詩以張之

紅泥小瓦盆 馬齒爛盈栽 薰風四五月 擁擠爭先開 殷紅二三朵 艷如  
少女腮 或嬌如鷺黃 花萼疊重臺 或白潤如酥 疑潑塞上醅 葉抽碧玉  
針 清光映吾齋 物微趣則遠 何必櫻與梅 一壑若可專 泰華胡爲哉  
雕蟲小丈夫 自揣良不才 與君俱瑣瑣 相對未須哀

天 籟

賦詩必此詩 坡謂非詩人 賦詩非此詩 毋乃越與秦 詩在天地間 譬諸  
心於身 覓心倘不得 形神豈復親 智者觀其動 春風水鱗鱗 仁者觀其  
靜 秋山聳嶙峋 山水倏已往 虛空轉風輪 至人或無語 下士徒搖脣

學詩二十年 所得無纖塵 但知聲律好 天籟出陶均

秋 柳

棲鴉流水夜沈沈 瘁葉寒條瘦不禁 惆悵酒醒殘月裏 更無人倚翠樓吟

秋 感

高城秋浩蕩 落日思無邊 老驥寧終伏 饑鷹迴出前 廉頗猶用趙 樂毅敢忘燕 係仰悲身世 西風爲颯然

浩 蕩

浩蕩吾安往 含情一往深 崛強舌笑齒 飛動目憐心 薄宦慙通隱 幽懷寄苦吟 人間竟何世 側望一沾襟

一 任

一任風幡動 何關爾我心 酣眠閱世久 靜坐入山深 蠹照容孤往 摧鋒

戒苦吟 日斜羣鳥散 相對有蕭森

憶太希虔州

清言霏玉屑 四海一劉郎 詩與人俱好 愁借髮共長 安豐何簡遠 越石自清剛 今夜邊城月 思君到屋梁

月夜有懷太希江州卽寄

涼風在高樹 河漢帶微雲 萬里關山月 淒涼正憶君 千秋甯有託 八表况同昏 故舊驚零落 詩篇任放紛 安心蘇軾病 寄嘅馬遷文 逕欲從君去 滄江九派分

天外

天外重蘇九死魂 心頭深刻百創痕 八還未證無生忍 一念難通衆妙門 滅穀最憐同夢夢 凡荆同是不存存 何勞輕命憑欄望 海氣濛濛夜色昏



卽事漫興

又看初日動危檐 詩帶離心語倍纖 久客坐添中散懶 窮邊誰伴老夫潛  
情芳志潔偏宜怨 才秀人微故取淹 鐘蝶云鮑明遠才秀人微故取淹當代 呵壁書空兩無味  
且收花影入風簾

日本詩人國分青厓長尾雨山土屋竹雨仁賀保香城四君來遊

瀋陽鷗波詩社同人招宴酒樓因賦二詩以贈

其 一

四君古鬚眉 味道若觀火 扣門來賦詩 錯落珠萬顆 分光排天闔 何幸  
及於我 入手空駭汗 揩磨俱不可 恍對繡衣人 自視乃如裸 文采踵晁

監 流風今未墮

其 二

公等東海來 今日始一見 語言胥未悉 相對意自善 豈非文字緣 萬里  
不能間 小樓控西風 明月散白練 著以山澤臞 新詩互把玩 恐此亦偶

## 然 俶裝方戒旦

## 東京小金井觀櫻花

萬株櫻花綠水潯 蒸雲漲霧天沈沈 春風到地一宣洩 坐教舉國來相尋  
 阿那柔條淡而漚 絢爛修柯貞不淫 麗質秀骨難再得 比價寧止千璆琳  
 空憐桃李媚蜂蝶 高潔若此誰能侵 客至三月時未晚 初見玉嶽開滿林  
 却惜忽忽一撫視 否者載酒情彌深 久聞茲樹宜東土 置之異地則不任  
 造物無私固其理 豐此膏彼終何心 明日我去花盆好 低徊相對生悲吟

## 落 花

## ○其 一

蜂圍蝶鬧未曾休 一夕驚飈遂見收 九十光陰委黃土 萬千消息隔紅樓  
 焚殘躑躅終無及 腊盡醅醞劇有由 已識相思能刻骨 樽前獨鬱百年愁

○其

二

不來三日事全吡 曲巷深深滿碧莎 春水綠波別而已 桃花紅雨落如何  
中庭哀怨今誰覺 近郭招尋舊獨過 終恐相逢成陌路 心情未老轉蹉跎

○其

三

零香斷粉颺蛛絲 遠立偏反不自持 北勝南強饒有態 東塗西抹儼多姿  
重來綠葉成陰地 已過好花堪折時 莫問小欄一株雪 年光先隕最高枝

○其

四

珍珠簾外血霏霏 西倒東扶力亦微 花似美人真易老 春如逸馬不能歸  
高樓縹緲延新霽 小閣玲瓏對落暉 來日天心還幾變 非關草木漫增欵

○其

五

帶水拖泥孰使然 救之不得見逾憐 回天久識春無力 墜地始知風有權

心似靈均哀窈窕 情同貞曜惜嬋娟 嗟余感事傷時意 那得今宵自在眠

席上用路夫韻答竹雨先生兼呈青厓雨山香城三先生卽送之南遊

儵然諸老集邊關 落盡疎花數點斑 萬里壯遊半箕斗 一時高詠滿江山

秋風欲白燈前鬢 濁酒難朱鏡裏顏 明日軒車仍上道 倚雲祇惜不同攀

雨竹

有句云將遊齊魯訪名山

辨天島上作

剗盡荒山水四圍 去天一髮路微微 鷺如突起不能下 魚似空行無所依

夜雨忽回桑葉大 春風初上藥苗肥 他年尙欲頻來此 默數人家白板扉

于蓮客 年四十歲

曉坐

暖旭穿簾報早春 巾瓶妥帖淨無塵  
雪融滴作垂檐雨 獨坐西牕憶故人

山居雜詩

其一

燕居腊毒饜蒸嘗 甘脆肥濃信腐腸  
始識山家風味好 一蔬一飯有真香

其二

招提深鑱辭山中 杖撥殘雲過遠公  
橡栗風前餘幾葉 經霜却比夕陽紅

其三

作客經秋苦夢思 霜風掃葉下前池  
依然還我蕭時味 殘照西廊雀噪時

其 四

閒房地火煖紅鱗 拋卷微哦一欠伸 解識浮生清淨理 獨眠獨處轉忻人

連濱對月作

海嶠懸明月 含情問素娥 別離吾已慣 圓缺汝何多 知己雲山隔 流年

雪浪過 迴光射枯酒 添淚作金波

萬泉河上

虹雨初晴綺陌光 低荷軟柳亦添妝 多尋冷趣魂常淨 但定塵心境自涼

遠役不忘歸栗里 移家真欲住桐鄉 秋聲何待寥天雁 便聽風蟬已斷腸

八稔今歲  
始聞蟬聲

綠 陰

繞屋扶疏夏木深 巢鶯接葉窈相尋 睡餘永晝貪殘景 閱盡繁春愛綠陰

雨滴似尋幽客語  
月明如見故人心  
年來朋好成雲散  
每到花時感不禁



陳 楚 雄

滿洲建國竹枝詞

王道邦家幾世修 春秋齊向樂園游 比肩罷舞天魔後 背立花陰說自由

右樂園坦蕩

縱橫蛛網列周行 縮地神如費長房 千里故山思便到 何勞登望白雲鄉

右鐵道貫穿

紛紛身手各摩訶 捧出圓珠踏踏歌 奪得錦標歸去也 亞洲從古健兒多

右學堂運動

飛船逐隊自天空 暗地防維燈息紅 大礮鋒鋒高射落 敗鱗殘甲散西東

右飛機演習

却教黑暗放光明  
慘淡經營愛迪生  
豈獨通衢增燦爛  
窮簷處處看明星

右 電 灯

六洲萬國如同室  
頃刻能教信息通  
一夕書傳千里遍  
雲羅不必費魚鴻

右 電 信

隔海居然覲面談  
那能咄咄誤郵傳  
黃金世界時間貴  
既省功夫又省錢

右 電 話

陰陽摩盪能生電  
天地人身一氣周  
排海拔山無量力  
只須些許一通流

右 電 汽

讀漁洋集

西風一夜石頭句 秋柳四章水面亭 江北江南爭步和 鱗腰鱗尾盡芳馨  
獨標神韻開奇響 猶仗機緣對大廷 始信詩名關早達 蒼穹未必定文星

讀隨園集

盛名蚤負動公卿 老愛丹鉛眼倍明 才識真堪空一代 煙霞母乃定三生  
最難心熱扶風雅 其奈詩荒誤性情 鼎足人稱袁蔣趙 剛柔我謂不同行

匡 昨 非 不可登座

新京竹枝詞

其 一

一天紅日午眠餘 小試華清著短裾 燕子投懷郎記取 阿儂何似美人魚

其 二

游人爭說大同園 小小溪塘團似盆 妾自采蓮郎鼓棹 花香人影入黃昏

其 三

日落閑情未可描 西園一路馬蹄驕 待郎深夜羅裳薄 花動月明潭月橋

其 四

昨夜孟蘭渡戾氛 鼓鏡般若正鬢紛 曉風殘月天如水 禮佛人過孝子墳

重陽未踐登高之約，偶憶去歲社友九人分韻聯吟。

今則勞燕分飛，依依在念，賦此寄之。

其一

昨夜城頭降玉霜，砧聲一片送重陽。  
黃花紅葉秋容瘦，社燕征鴻節序忙。  
世事滄桑隨處好，天涯浪跡亦何妨。  
鷄冠山色穆陵水，都付詩囊與酒囊。

其二

聚散飄然類轉蓬，觸塵蒙露任西東。  
家風琴鶴仍如故，政績牛刀未建功。  
絕塞自忘千里遠，登高難復九人同。  
去年落葉飛時節，正是狂吟亂醉中。

其三

雲滿山頭霜滿林  
孤城孤客怕登臨  
一官絆我羞彈鋏  
千里懷人欲抱琴  
宦海由來蕉鹿夢  
金風偏啓故園心  
江湖底事終飄泊  
爭說丹邱有處尋